

tum, à foca Cæsare, summis precibus contendisse, ac demum impetrasse, donari sibi templum Romæ, quod pantheon antea, à priscis diceretur, ueluti deorum omnium simulacrum: ut eliminata inde, omni demonum spurcitia, sacra, sanctaq; ibi diuorum multitudo, à fidelibus haberetur: quanquam hodiernæ celebritatis, euangelica lectio, ad apostolos, discipulosq; Christum, seruatores nostrum, uerba in monte fecisse, satis admonet: satisq; nobis esse poterat: si de his tantum apostolis, quos subinde Christus beatos appellat, orationem hodie apud vos patres sanctissimi, loco, & ad audiendum ornatisimo, & ad dicendum amplissimo haberemus: uerum enim uero, cum is sit perpetuus, inueteratusq; plerisq; hominibus mos, ut saluberrima Christi præcepta, in alios reiciant: laici, in clericos: clerici, in monachos: monachi, in Episcopos: inueniantq; semper, quod pretextant: pulchrumq; quibusdam esse videatur, si nil, cum Christi præceptis, commune habeant: Sed quò quisque, doctrinæ illius studiosior fuerit, hoc cæteris contemptior habeatur: operæ prætium me facturum existimaui, si ostendero, Christum, non solum illis, quos tunc præsentibus habuit apostolis, locutum fuisse: Sed planè, citra discrimen, uniuersis: ut, quotquot christianum nomen profitentur, cuncta sibi dicta esse intelligant. Sed quoniam, cum apostolis, quorum vos patres sanctissimi, munere Episcopali, vices geritis: quoniam cum discipulis, quos præbyteri iure referunt: Christo optimo maximo, res, tunc præcipuè, fuerit: non dubium est, ad nos quoq; qui superstites sumus, uerba fieri: præsertim, cum illi, iam in portu nauigent, nullisq; sæculi fluctibus iactentur, nullis periculis versentur, nullis vitæ huius difficultatibus implicentur. Cum omnia igitur (auctore Paulo) ad nostram doctrinam scripta sint: omnia à Christo dicta, factaq; in nostram gratiam dicta, factaq; esse credamus: nobis Christum in apostolis, discipulisq; loqui, hodierno die, non solum fingamus, sed persuasissimum habeamus necesse est. Id quod, dum annuente deo, diuisq; omnibus, efficere conor: uos patres sanctissimi, etiam, atq; etiam, oratos uelim: ut, qua soletis humanitate, ac beneuolentia, in uestro omnium conspectu dicentem, prosequamini. Beatos itaq; eos Christus appellat, qui ipsius nomine, persecutio-

nem patiuntur : Cum inquit : Beati, qui persecutionem patiuntur. Qua in re ; plurimum obseruandum censeo : ueram pietatem ; non nisi difficultate ; afflictioneq̃ ; multa ; probari. Nec enim uirtus existimanda est , quæ afflictionis oneri succumbat. Nec usquàm manifestius , intimiusq̃ ; perspicere possumus , quales intus , & in cute simus , quàm ipso tentationis articulo. Quis enim unquam persuasum habuisset , tam infirmum , tamq̃ ; imbecillum , Petrum futurum fuisse : nisi huius rei tentatio ipsa , periculum , experimentumq̃ ; fecisset ; verum tamen , quamuis graue admodum sit , persecutionem pati : quamuis molestum sit , rerum temporalium iacturam facere : grauius tamen multo est , probra , conuitia , citra commeritum pati. Sunt enim , qui rei familiaris damna , corporisq̃ ; cruciatus , æquo animo perferant : Sed cum ad contumelias , ad opprobria ventum est : usque adeò deuicti labascunt : vt multi citius sibi ipsis mortem conciscant : quàm aliorum iniurias , ac probra ferre , cogantur. Cuius rei , appertissimum nobis argumentum esse potest , lobus ille patientissimus : qui , quamuis multas , easdemq̃ ; grauissimas calamitates sustineret ; tunc tamen , maximè omnium turbabatur : cum exprobrarent ei amici , quòd propter commissa scelera , tam dura pateretur. Nemo enim , facile tolerat famæ suæ labem , præter dignitatem , meritumq̃ ; aspergi. Nemo est , qui in vindictæ cupiditatem non exardescat , atrocibus lacescitur conuitiis. Hoc tamen mundi ingenium est , vt non desistat , viros bonos persequi : grauissima crimina , sed falsa , ac ficta , illis obtendere. Sic Christo , calumniam pretexere , arbitrabantur iudæi : si vel leuissimo argumento , ostenderent , ipsum prohibere , tributa dari Cæsari. Sic olim Stephanum insimulabant aduersarii , dicentes : hic homo , non cessat loqui , uerba blasphemiarum. Sic lacescebant Paulum : hic est homo ille , qui aduersus populum , & legem , & locum hunc , omnes ubiq̃ ; docet , & grecos induxit in templum , profanauitq̃ ; locum sanctum hunc. Sic postea christiani homines , tanquàm seductores ac seditiosi , à principibus sæculi huius , in exilium passim relegabantur : aut capitis supplicio plectebantur , spectaculum mundo facti. Hæc preuidens Christus , suos , ad huiusmodi patienter toleranda , hortatur , inquit : Beati estis , cum maledixerint uobis homines :

& persecuti nos fuerint; & dixerint omne malum aduersum vos, mentientes; propter me. Quasi diceret: hæc estimate bona, quæ mundo uidentur mala. Beatitudinis symbolum existimate: si æquo à vobis animo, excipiantur: quæ mundus, longè aliter iudicans, putat esse mala. verè uos, saltem spe, beatos esse, credite (etsi diuersum vobis videatur) cum, quæ mundus tristitia, aduersa; iudicat, atq; vocat: nomine meo, libenter toleratis. Nam, quæ ratione fieri potest, ut beatiore simus, quàm, si innocentiam complectamur? si pietatem, iustitiam, ueritatem, deumq; ipsum possideamus? sic philippensis, loco fælicitatis posuit paulus, quod nimium aduersa, pro Christo paterentur, cum ait: vobis datum est, non solum ut credatis: Sed & patiamini pro Christo: perinde ac si, magnum aliquod, atq; insigne bonum, in malorum tolerantia, essent assecuti: quasi pretiosum margaritum, in afflictionum agro abstrusum, ac reconditum, patientiæ opera, atq; industria, eruisent: quanquàm non omnes, quibus maledicta, probra; ingeruntur, continuò beati dicendi sunt. Etenim sunt, quibus, ab omnibus maledicuntur, quibusq; homines mala imprecantur: Sed suo ipsorum vitio, atq; culpa, non propter deum: nec enim persecutionem pati, laudabile semper est: iis præsertim, qui usq; adeò immites, rigidos, seueros, inhumanosq;, sese erga alios, præcipuè pauperes, exhibent: ut non immeritò, apud omnes, male audiant: nec temerè ab omnibus, odio habeantur. Sic enim viuunt, ut nil cum virtutibus commune habeant. Sic inter homines versantur: ut nil, in illis, æqui, conspici: nil in ipsis boni, posse esse videatur. Hoc indicat nobis petrus ille, apostolorum facile princeps, cum ait: Nemo uestrum patiatur, ut homicida, aut fur, aut maledicus, aut alienorum appetitor. Si autem ut Christianus, non erubescat. Ad consolationem autem piorum subdit: tempus est, ut iudicium incipiat à domo dei. Si autem primum, à nobis, quis finis eorum, qui non credunt dei Euangelio? Etsi iustus quidem, vix saluabitur: impius, & peccator, ubi parebunt? Itaq;, & hi qui patiuntur secundum voluntatem dei, fideli creatori commendent animas suas, in bene factis. Significat nimirum, imminere nunc iudicium dei, sanctis hominibus: impios uerò, in aliud iudicium asseruari, relictis; in æter-

num supplicium damnandos. Patiuntur siquidem & impii, sæ-  
pissime, nimium aduersa: Sed non cedunt illis, in id sælicitatis  
præmium, quod Christus his pollicetur: qui ob sacrum, ve-  
reque gloriosum ipsius nomen, se illudi, contemniq; sustinent:  
quoniam, non ad dei optimi maximi laudem, & gloriam: Sed ad  
suam vanam quidem illam, futilem, ac momentaneam, referunt.  
Quis Licurgii, Lacædemonii, patientiam non admiretur? qui à  
eius quodam iuvene, altero oculorum orbatus, à populo extra-  
ctum: vt quò liberet modo, puniret. Id quod, minimè fecit:  
Sed optimè institutum, boniq; viri moribus peditum, in thea-  
trum produxit: Lacædemoniisq; admirantibus dixit: istum ui-  
rum, ante hanc iniuriam, ac violentum, qualem à vobis accepi:  
iam frugi, ac popularem restituo. Quis non miretur Pittacum?  
qui cum potestatem haberet puniendi quempiam, qui contu-  
meliosus in ipsum extiterat: liberum abire permisit, inquit:  
venia, vltione melior est. Illa namq; mitis est ingenii: hæc, feri-  
ni. Quid referam Dionem academicum? qui cum ipsum ma-  
ledicus insectaretur: nullas non blasphemias, in eum eructans,  
& probra iactans, tacebat omnino. Cumq; ingressuro iam do-  
mum, conuiuator ille, diceret: nil respondes? ait Dion, nihil  
quidem. Sed: quoniam non propter deum hæc patiebantur:  
nulla manent ipsos, apud deum præmia. Sed ne aliena exempla  
petamus: cum abundè nobis supersint nostra: quanta passus est  
egyptius ille rex pharao? sursum deorsum adeò iactatus: tot pla-  
gis cæsus: tot rebus aduersis impetitus: tot calamitatibus exa-  
gitatus: verum, quoniam non sponte sua, nec ob gloriosum dei  
nomen, sed ut cæco; obduratoq; animo satisfacere suo, hu-  
iusmodi passus est: non solum non est apud deum beatus: sed in  
exemplum, vniuerso orbi, productus, eorum, qui suppliciorum  
telam, ab hac vita ordiuntur, futuro sæculo, apud inferos,  
perpetuò texendam. Quanta, antiochus ille, in deum, & in hie-  
rosolymitanum templum, blasphemus, passus est? qui vermi-  
um morsibus exhaustus, miserrimè omnium, vitam finiuit? qui,  
ne viuis quidem, à suo ipsius exercitu, præ grauissimo totius  
corporis fetore, ferri potuerit? quanta deniq; herodes ille, dei  
potius, quam hominis verba, iactans? cæterum, quoniam hæc,  
non propter deum (nec immeritò) sed ob ingentia crimina, in-

auditamq; blasphemiam, patiebantur: non solum, non sunt apud deum beati: Sed, nec poenitentiae locum, apud ipsum inuenisse, creduntur. Vos tamen patres amplissimi, quum certa, gaudii, & exultationis, promissio, apud deum manet: gaudete, & exultate. Nam quò magis, aduersarii uestri, hostesq; Ecclesiae; haeretici, aduersus vos, saeuierint: quanto maiora mala, ab ipsis, vobis fuerint illata: tanto ampliora bona, cedent vobis in praemium. Quanto plura, ab illis, fuerint vobis, irrogata damna: hoc copiosiora, contingent vobis lucra. Quo grauiora, fuerint ab illis, falsò, vobis intentata crimina: hoc magis verrentur vobis in gloriam: non solum apud deum, cui placuisse abundè satis erat: sed apud mortaleis ipsos, immortalis vobis reponetur laus, & gloria: quanquam non admodum solliciti deberent esse, probi, sanctiq; Episcopi, quales ab hominibus iudicarentur, aut ab humano die: sed de hoc, maximè anxii: si nemini sint offensus: si omnibus prodesse studeant: si aliorum iniurias, probra, contumelias, æquo animo ferant. Hic Christianorum hominum scopus: hoc, passim, optimorum praesulum, deberet esse studium: quamuis, sublimem hanc, heroicamq; patientiae vim, non omnes praestare possunt, nisi qui per gradus quosdam, in dies proficientes, eò peruenierint, ut culmen perfectae virtutis attingerint: qui timorem animi abiecerint: qui vindictae cupiditatem neglexerint. Si cogitent sese peregrinos esse: si nil litiant, nisi iustitiam: si malis omnibus, succurrere studeant: si cor habeant, non aliò spectans: nec aliò, quàm deo se oblectans: si pacem colant: si pauperum, quò ad eius fieri potest, rationem habeant: tunc demum praestabunt, quæ nulli alii, sibi tutò polliceri possunt. Quæ, ne difficilia admodum, & graua, sed factu facilia, vobis videantur: ad memoriam reuocate eum, qui proposito sibi gaudio, sustinuit crucem, confusione contempta: alta mente retinete eum, qui talè sustinuit, à peccatoribus aduersus semetipsum, contradictionem: ut non fatigeminì animis vestris, deficientes. Nondum enim, vsq; ad sanguinem restitistis. Multa; satis opportunè, reformationis capita, à vobis edita sunt, patres sanctissimi: Multa, nouandæ vitæ, documenta, tradita: sicuti, præclara quidem illa: sapientissimeq; (sicuti omnia) à vobis disposita: calamitosissq; his temporibus, summo opere



necessaria. Quod si, propter hæc, inuulganda plebi, ecclesiisq;  
vestris, sepius inculcanda, contumeliam, aut iniuriam patiamini  
ni: beati nimirum estis: quanquam non tam externa hæc uiuendi  
ratio: non tam humanarum legum æquitas: non tam beneficiorum,  
ecclesiasticorumq; reddituum moderatio: quam interioris hominis  
nostri institutio, à nobis exigitur. Intima nostra scrutatur deus:  
secreta cordium nostrorum iudicat: horum est ille vindex, & arbiter:  
nec paritur, se, verbis tantum, à nobis coli: nec libenter fert,  
corda nostra, ab ipso, (nisi magno nostro malo) longissimè abesse:  
ut nil, impræsentiarum, nobis magis verendum sit: quam ne meritò  
de nobis pronunciet: Hic populus, labiis me honorat: Cor aut  
eorum, longè est à me. Hoc efflagitat à vobis vniuersus orbis,  
patres sanctissimi: hoc tota christiana respublica, à vobis  
postulat: persuasumq; habet, longè vigilantiores, posthæc,  
visuram se, pastores: alios prestolatur presbyteros: alios expectat  
doctores: alios monachos: alios, post tanti Concilii euocationem,  
mores: aliam denum vitam, postulat. Sed, quid non dicent?  
quid, non facient, aduersarii nostri: ubi omnia, secus atq;  
ipsi putabant, contingere viderint? quid non de nobis obmuturabunt?  
quid non de nobis obloquentur, hostes nostri: si in eadem hærere,  
malè actæ vitæ, salebra: si in eodem viderint nos versari luto?  
impostores certè nos compellabunt: non bonarum legum conditores:  
non optimorum, emendatissimorumq; morum, seueros instauratores.  
Nil minus, apud ipsos, (ut sunt, rerum omnium, corruptissimi  
iudices) futuri sumus: nil minus audituri, (adeò deploratissima  
maledicentia laborant) quam, sicophantæ: quam, profusissimi  
nepotes: quam, maximi nebulones. Quos, etsi prætextu aliquo,  
fallere, faciliè nobis esse putemus: deum tamen, quæ ratione  
possumus: qui nec quempiam fallere: nec à quoquam se falli  
patiat? & quanquam certò scio, non defuturam illis (quidquid,  
vos patres sanctissimi, piè, & sanctè decreueritis) malè sentiendi,  
iudicandiq; etsi, minimè à vobis oblatam occasionem, ab illis  
tamen, vltro susceptam. Ne illorum, de his, verum iudicium sit:  
in vestra situm est potestate. Estimare vos patres sanctissimi,  
non iniuria, à Christo optimo maximo, sallem vocari: quo, ne totus  
orbis computrescat, saliri oporteat.

ut na

vtnatur. Quis perpendentes, qui citra sui ipsius iacturam, atq;  
 exinanitionem, salire non possit: in animum inducat, citra cor-  
 poris, vitæq; vestrae discrimen, munia vestra, bene, beateq; (vt op-  
 timos præfules decet) obire non possit. Estimare vos lucem esse:  
 qua, vniuersus orbis, videre habeat. Quid, si, sub modio priuati cō-  
 modi, aut voluptatis, aut erroris (quod absit) extincta fuerit: to-  
 tus mundus, micabit in tenebris. Estimare vos ciuitatem esse, su-  
 pra montem positam. Cogitate, vos, ob oculos omnium positos:  
 in conspectu omnium versari: ab omnibus videri. Putate, omnes  
 vitæ vestrae rationes, cunctis hominibus patere: vos, omnes spe-  
 ctare: vt, ad vitæ, consuetudinisq; vestrae, normam, mores compo-  
 nant suos: vitamq; instituant. Quæ cum ita sint: optimè sanè, insti-  
 tutis vestris sanctissimis, præcauistis: ne eodem, quò hactenus, de-  
 cursu, ouibus, fidei vestrae commissis, omnia contingerent: ne ob  
 eam causam experiremini, deum magis vobis iratū: hostes Eccle-  
 siæ, inimicosq; crucis, deterius irritatos: populos, ad defectionē  
 prouocatos: rempublicam christianam, magis, magisq; indies la-  
 befactatam. Reliquum igitur est, patres amplissimi, vti detis ope-  
 ram, vt vestra hæc reformatio (quæ nil minus, quàm fictitia,  
 aut cerusata, sed vera, sincera, nimiumq; elaborata est) debi-  
 tæ executioni mandetur. Nec enim, ex dignitate, tantæ, tam  
 sanctæq; Synodi: nec ex decore amplissimi, cæleberrimiq; con-  
 uentus huius vestri, esse puto (patres amplissimi) vt sanctissi-  
 ma, obseruationeq; dignissima, à vobis instituta ædantur: quæ  
 ad præxim, industria, operaq; vestra, minime deducuntur. At cō-  
 sultius, multoq; magis è re, fore existimauerim: nullas nouas le-  
 ges, à vobis cōditi: rigoremq; Ecclesiasticæ disciplinæ, è tenebris,  
 in lucem, sacrosancto Concilio hoc, nullatenus vindicari: si sta-  
 tim, vt in medium prodierint: in angulum, tineis, aut arachne-  
 is, corro dendæ: aut, longa temporis obliuione atterendæ, conii-  
 ciantur. Nam, quorsum attinet, tanto (trium ferme annorum,  
 curriculo) labore, uos confecisse: tantaq; solitudine conden-  
 darum legum, diu, noctuq; vos discruciasse: si nullus inde, non  
 dico colligendus, sed nec omnino expectandus esset fructus: quā-  
 to satius erat, tanto vos onere leuasse: tot molestiis liberasse: tot,  
 tantisq; sumptibus, pepercisse: ab ecclesiis uestris, tanto cū rerū  
 discrimine, nō tribus hebdomadis, vti sacra decernunt concilia:

sed tribus, iam ferme annis, minimè abfuisse? oues dei vestrae commissis, nullatione defuisse? quàm oleum (quod aiunt) & operam, nouandis, frustra; ferendis legibus, perdidisse? grauius enim cessatum esse ab iis, qui viam, quam, post maximos errores, inuenerint, ingredi neglexerint: aut lucem, post densissimas tenebras adeptam, amplecti, sequi; contempserint: quàm ab illis, qui, nec viam nouerint, nec lucem sint assecuti. Quis (nisi non satis, sanæ mentis, minus; integri iudicii fuerit) non intelligit? cum passim veritas clamet: si non venissem, locutus; eis non fuisset, peccatum non haberent: sacer; apostolus Petrus, inculcet: Melius erat illis, non cognoscere viam iustitiæ: quàm, post agnitionem, retrorsum conuertri ab eò, quod illis traditum est, sancto mandato. Contigit enim illis, illud ueri prouerbii: canis reuersus ad suum vomitum: & sus lora in volutabro lutii. Nemo itaq; vestrum, sibi persuadeat, à labore frequentium congregationum, ad quietem euocari: nullus post tot concilii molestias: post bellum, cum hostibus fidei, susceptum pacem, securitatem; sibi polliceatur. Nouæ uobis nunc imminet curæ: nouæ sollicitudines: noui adeundi labores: sanctioris vitæ, ineundæ rationes. Danda vobis opera, uti nunc denuo, diligentius uinea domini excolatur, fodiatur, putetur, lepiatur: nec patiamini illam, rursus, in conculcationem prorsus, & direptionem dari: quam plantauit diuinus ille agricola: quam ex egypto transtulit, dux; itineris fuit in conspectu eius: quæ impleuit terram: operuit montes, umbra eius: & arbuta eius, cedros dei. Extendit palmites suos, vsq; ad mare: & vsq; ad flumen, propagines eius. Ut quid destruxisti maceriam eius, & vindemiant eam, omnes, qui pretergrediuntur uiam? exterminauit eam, aper de silua: & singularis ferus (lutherus scilicet, Calvinus, Brentius, Bucerus, & sui similes, eiusdem; farinae sodales) depastus, est eam. Ad hanc excolendam, vocati estis, patres sanctissimi; hanc tuendam, defendendam; aduersus omnes mundi conatus, suscepistis: quamuis non sine maximo dei beneficio, reges, ac imperatores, reliqui; europæ præcipui principes, intra religionis christianæ repagula, & catholicæ ecclesiæ sepra, continentur: nec est, quod ipsorum sceptrâ, fasces; timeatis. Id quod, nunquam, constantissimis illis, basilio, atha-



culi illius priscis patribus, animos fregit.  
nos, non solum vobis propitios, & ad reli-

250

tores. Non est, quod ab officio vestro deterreamini: quibus,  
non tam negotium sit, cum tigribus, ac leonibus: quam, cum  
paruulis quibusdam vulpibus: quas, ne vineam domini demo-  
liantur, facile vobis erit, canum latratibus, à vinea domini sa-  
baoth, abigere: aut, adhibita optima sepe, procul arcere: aut,  
artificiosis laqueis, intercipere. Cum monstris his, cum uitiiis,  
vitiosisq; hominibus, suscepta uobis lis est. Qui, ubi, insigni-  
um virtutum vestrarum, vexilla erecta uidcrint: paruo nego-  
cio, manus vobis vinctas dabunt. Audendum igitur vobis est:  
audaciam inde prodire oportet, ignauia vnde prodierat. Aude-  
te itaque, & ornati virtute, estote, patres sanctissimi: audentes  
enim, pater coelestis iuuat. Nec enim fieri potest, quin, ubi vide-  
rint, probi homines, opera uestra bona: glorificent patrem vestrū,  
qui in coelis est. Imitamini sedulos agricolas: qui, cum iam stirpi-  
bus, sentibusq; agrum, bene, omnem, purgauerint: tum demum,  
sementem ipsam, aggrediuntur. Ita nimirum Episcopi debent:  
Cum iam, rerum omnium sordidarum cupiditatem, atq; intem-  
perantiam, ex animis procul subditorum eiecerint: ceterosq;  
huiusmodi affectus, ferro, atq; igni, variaq; .....  
chinatione, persecuti fuerint: tum demum, purgatis animis, ve-  
rae sapientiae semina, excipere oportet: vt nulla pullulantium  
cupiditatum, quasi spinarum commixtione suffocata, ad ipsam  
beatitudinis frugem perueniant. Diligentius itaq; multo, inui-  
gilandum nunc vobis est, patres sanctissimi: plures, post tan-  
tam dogmatum, reformationumq; discussionem, habendae, ad  
plebem, fidei vestrae commissam, conciones: frequentiora Ec-  
clesiasticae disciplinae monita: plura, melioris vitae vestrae, exhi-  
benda exempla: crebrius nunc, paenitentiae, eleemosinae q; , exer-  
cenda vobis sunt opera: vt ad exemplar, ac prototypum, con-  
monstratum sibi in monte, totus formetur: totus instituatur,  
populus. Adnitendum igitur vobis est, patres sanctissimi: vt  
vestra potissimum doctrina, ac vitae sanctimonia, omnes, cuius-  
uis generis, Christiani, induamur, sicuti electi dei sancti, visce-  
ra misericordiae, benignitatem, humilitatem, modestiam, pa-

tientiam : supportantes inuicem , & donar  
sicut & dominus donauit nobis. Super omi  
tem habeamus : quod est vinculum perfectio  
vt non solum vos , beatos appellet : summisq; laudibus eterat ,  
pater ille cœlestis : sed ciuica etiam donet corona , quod non  
credito vobis talento , doctrinæ , & donorum , vim cœlo , cum  
primis , ausi fuistis inferre : illos contra , cœlestis arcis deturba  
bit ingressu : qui nil præclarum , nil nisi humile , & timidum co  
gitantes , conceditum sibi talentum , in terram abdiderunt.  
Nec enim verendum est , vt perpetuo irascatur nobis deus. Nun  
quid in æternum proiicies , optime deus ? nunquid non appo  
nes , vt complacitior sis adhuc ? aut in finem , misericordiam tu  
am abscedes , à generatione , in generationem ? aut obliuisceris  
misereri deus ? aut continebis in ira tua , misericordias tuas ?  
Non vtiq; domine : sed dabis his quoq; finem : efficiēsq; , vt sit  
alia facies Ecclesiæ tuæ. Fauebis conatibus nostris : dum pro  
virili adnitimur : dum abs te summis votis contendimus : dum  
toti in hoc sumus , vt non tam nostri , quàm glorioſi nominis tui ,  
ab omnibus passim , ratio habeatur : dum certam concipimus  
spem , futurum , vt largiente bonitate tua , cum nimum aduer  
ſa prope nuntio toleramus , cuncta nobis , ex animi senten  
ſa , & , scilicetq; cedant.

D. I. X I.

*BRIXIÆ apud Ludovicum Sabienſem.*

